

Bosna i Hercegovina
Federacija Bosne i
Hercegovine
Kanton Sarajevo
Grad Sarajevo
**OPĆINA CENTAR
SARAJEVO**
Općinski načelnik



Bosnia and Herzegovina
Federation of Bosnia and
Herzegovina
Canton Sarajevo
City of Sarajevo
CENTAR MUNICIPALITY
Municipal Mayor

Босна и Херцеговина
Федерација Босне и
Херцеговине
Кантон Сарајево
Град Сарајево
**ОПШТИНА ЦЕНТАР
САРАЈЕВО**
Општински начелник

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH" broj 49/06 i 51/09), člana 69. Statuta Općine Centar Sarajevo-prečišćeni tekst ("Službene novine Kantona Sarajevo" broj 23/04), člana 5. Odluke o izvršavanju Budžeta Općine Centar Sarajevo za 2025. godinu ("Službene novine Kantona Sarajevo" broj 6/25), člana 7. Odluke o kriterijima i načinu raspodjele novčanih sredstava za dodjelu jednokratne novčane pomoći boračkoj populaciji („Službene novine Kantona Sarajevo“, broj: 6/22), Odluke o pokretanju postupka raspisivanja i provođenja javnog poziva broj: 09/A-11-1206/25 od 21.02.2025. godine i Odjeljka C tačka 20. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH“, broj: 37/24), Općinski načelnik raspisuje:

JAVNI POZIV za dodjelu jednokratne novčane pomoći boračkoj populaciji u 2025. godini

1. PREDMET JAVNOG POZIVA

Predmet ovog Javnog poziva je dodjela jednokratne novčane pomoći boračkoj populaciji sa područja općine Centar Sarajevo.

2. FINANSIJSKA SREDSTVA

Sredstva za dodjelu jednokratne novčane pomoći boračkoj populaciji raspoređivat će se u skladu sa odredbama Odluke o kriterijima i načinu raspodjele novčanih sredstava za dodjelu jednokratne novčane pomoći boračkoj populaciji („Službene novine Kantona Sarajevo“, broj: 6/22) sa budžetske pozicije:

- 614232-2- izdaci za vojne invalide, ranjene branitelje i obitelji poginulih, jednokratna novčana pomoć boračkoj populaciji;

Ukupan iznos planiranih sredstava u Budžetu Općine Centar Sarajevo za 2025. godinu iznosi 230.000,00 KM.

Minimalan iznos jednokratne novčane pomoći u skladu sa odredbama Odluke o kriterijima i načinu raspodjele novčanih sredstava za dodjelu jednokratne novčane pomoći boračkoj populaciji („Službene novine Kantona Sarajevo“, broj: 6/22) iznosi 250,00 KM.

Maksimalan iznos jednokratne novčane pomoći u skladu sa odredbama Odluke o kriterijima i načinu raspodjele novčanih sredstava za dodjelu jednokratne novčane pomoći boračkoj populaciji („Službene novine Kantona Sarajevo“, broj: 6/22) iznosi 1.000,00 KM.

Sredstva koja se dodjeljuju ne predstavljaju državnu pomoć u smislu Zakona o sistemu državne pomoći u BiH.

3. CILJ JAVNOG POZIVA

Cilj pružanja jednokratne novčane pomoći na osnovu Odluke je približno dostići minimalnu materijalnu sigurnost i nezavisnost pojedinca i porodice u zadovoljavanju osnovnih životnih potreba.

4. UVJETI ZA OSTVARIVANJE PRAVA NA JEDNOKRATNU NOVČANU POMOĆ BORAČKE POPULACIJE

- **Pravo na jednokratnu novčanu pomoć boračkoj populaciji imaju sva lica koja imaju priznat status:**

1. Borca/branitelja Bosne i Hercegovine;
2. Ratnih vojnih invalida i njihovih porodica;
3. Članova porodica šehida i poginulih i nestalih boraca/branitelja i umrlih ratnih vojnih invalida;
4. Organizatora otpora;
5. Veterana/prvoboraca;
6. Članova porodica umrlih demobilisanih boraca;
7. Sa borbima-braniteljima, u smislu ove Odluke, izjednačeni su u pravima učesnici narodnooslobodilačkog antifašističkog rata 1941- 1945. godine, čiji je status utvrđen rješenjem nadležnog organa.

- **Uslovi za dodjelu jednokratne novčane pomoći boračkoj populaciji su:**

- je da lice koje podnosi zahtjev ima prebivalište na području općine Centar Sarajevo;
- da niko od članova zajedničkog domaćinstva podnosioca zahtjeva nije vlasnik preduzeća ili samostalne radnje ili ima registriranu dopunsku djelatnost (da nema duga po osnovu javnih prihoda);
- da niko od članova porodičnog domaćinstva podnosioca zahtjeva nije ostvario drugi vid jednokratne novčane pomoći iz djelokruga rada nadležne Službe;
- da primanja u zajedničkom domaćinstvu ne prelaze iznos minimalne penzije FBiH po članu domaćinstva;

5. POTREBNA DOKUMENTACIJA

Podnosioci zahtjeva za dodjelu jednokratne novčane pomoći po ovom Javnom pozivu dužni su dostaviti slijedeću dokumentaciju:

- Dokaz o statusu (uvjerenje Federalnog ministarstva za pitanja boraca i invalida odbrambeno oslobodilačkog rata);
- Potvrda o prijavi prebivališta za punoljetne članove domaćinstva;
- Kućna lista;
- Potvrda o visini primanja za sve punoljetne članove domaćinstva;
- Potvrda da se lice nalazi na evidenciji nezaposlenih ili da nije ostvario/la penziju za sve punoljetne članove domaćinstva;
- Uvjerenje Porezne uprave da podnosilac/podnositeljica zahtjeva nema duga po osnovu javnih prihoda;
- Potvrda obrazovne ustanove da su djeca na redovnom školovanju (za djecu iznad 15 godina starosti)
- Medicinski nalaz za oboljelog podnosioca/podnositeljice zahtjeva;
- Izjava o podstanarskom odnosu (ukoliko se lice nalazi u podstanarskom odnosu);
- Potvrda o otvorenom tekućem računu za podnosioca/podnositeljicu zahtjeva;

6. PODNOŠENJE PRIJAVA/ZAHTJEVA NA JAVNI POZIV, ROKOVI I NAČIN DODJELE NOVČANIH SREDSTAVA

Javni poziv će biti objavljen na oglasnoj ploči Općini Centar Sarajevo i na web stranici Općine Centar Sarajevo (www.centar.ba).

Prijave/zahtjevi sa kompletnom dokumentacijom podnose se na protokolu Općine Centar Sarajevo, tokom cijele godine ili do utroška planiranih budžetskih sredstava, svakim radnim danom od 07.30 do 16.00 sati, ili putem pošte na adresu: Općina Centar Sarajevo, Služba za boračko invalidsku i socijalnu zaštitu- Odsjek za boračko invalidsku zaštitu, ulica Mis Irbina broj 1.

Dokumentacija se dostavlja u originalu ili ovjerenoj kopiji, ne stariji od 6 mjeseci. Prijave/zahtjevi će se rješavati po redoslijedu podnošenja. Služba priprema prijedlog liste podnosioca zahtjeva za dodjelu jednokratne novčane pomoći sa obrazloženjima te dostavlja Komisiji za boračka pitanja koja daje mišljenje, a rješenje donosi Općinski načelnik. Služba je dužna u roku od 30 dana od dana podnošenja zahtjeva obavijestiti podnosioca/ podnositeljicu zahtjeva o statusu predmeta. Sve dodatne informacije mogu se dobiti u Službi za boračko invalidsku i socijalnu zaštitu - Odsjek za boračko invalidsku zaštitu Općine Centar Sarajevo, soba 31/prizemlje ili na broj telefona: 033/562-454.

NAPOMENA:

U cilju sprječavanja sukoba interesa osoba uključenih u postupak dodjele jednokratne novčane pomoći boračkoj populaciji, svaki član Komisije će biti isključen iz postupka dodjele ukoliko se utvrdi da je u sukobu interesa u odnosu na podnosioca prijave /zahtjeva, a podnosioci istih imaju mogućnost prijaviti sumnju na postojanje sukoba interesa, o kojima će davalac budžetskih sredstava odlučivati pojedinačno o svakoj prijavi.

Općinski načelnik

Srđan Mandić